
ФАРҒОНАДА “ТАШАББУС-2021” КЎРИК-ТАНЛОВИНИНГ ВИЛОЯТ БОСҚИЧИ БЎЛИБ ЎТМОҚДА

Ўзбекистон Республикаси Президенти ташаббуси билан бир неча йиллардан буён республикамиздаги кичик бизнес вакиллари қўллаб-қувватлаш, уларни янада рағбатлантириш мақсадида тадбиркорлар, фермерлар ҳамда ҳунармандлар ўртасида анъанавий “Ташаббус” кўрик-танлови ўтказилиб келинмоқда.

Бу йилги “Ташаббус-2021” кўрик-танловининг туман ва шаҳар босқичлари пандемия сабабли ўтган йиллардан фарқли ўлароқ онлайн тарзда ўтказилди.

Фарғона вилоятида “Ташаббус-2021” кўрик-танловининг туман ва шаҳар босқичларида 1678 та тадбиркорлик субъектлари онлайн тарзда иштирок этиб, улардан ғолибликни қўлга киритган 93 нафари вилоят босқичида иштирок этмоқда.

Бугун Ислом Каримов номидаги вилоят театр-концерт саройида танловнинг вилоят босқичининг тантанали очилиш маросими ўтказилди.

Унда вилоят ҳокимининг биринчи ўринбосари Авазбек Ўринбоев “Ташаббус-2021” кўрик-танловининг вилоят босқичини очиб берди ва барча иштирокчиларга омад ва зафарлар тилади.

Шундан сўнг рамзий лента қирқилиб, танловнинг ҳайъат аъзолари ишлаб чиқариш, хизмат кўрсатиш ва хўжалик юритишнинг бошқа соҳаларида юқори натижаларга эришган, фаолиятига инновацион ғояларни татбиқ этиб, импорт ўрнини босувчи экспортбоп маҳсулот ишлаб чиқаришни йўлга қўйган тадбиркор, фермер ва ҳунармандларнинг маҳсулотлари билан бирма-бир танишдилар.

Куннинг иккинчи ярмида кўрик-танлов ғолибларини тақдирлаш ва концерт дастури бўлиб ўтади.